

ՀՀ կրթության, գիտության,
մշակույթի և սպորտի
նախարարություն
«Երևանի
հենաշարժական համակարգի
խախտումներ ունեցող երեխաների
հ. 17 հատուկ դպրոց»
Պետական
ոչ առևտրային կազմակերպություն



Ministry of education, science, culture and
sport
Republic of Armenia
Yerevan
Special School N 17 for the
children with breached-movement
extremities
State non-trade
Organization

ՀՀ ք.Երևան, Նորքի 2-րդ գանգված, Մոլդովական փ.-41 ☎ 646601, 646789
RA Yerevan, II Nork Massive, Moldovakan 41 ☎ 646601, 646789

17hatukdproc@gmail.com

ՀՐԱՄԱՆ ԹԻՎ 163-Լ

12.12.2023թ

**«ՖՈՏՈՆ» ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅԱՆԸ ԳՆՈՒՄՆԵՐԻ
ԳՈՐԾԸՆԹԱՑԻՆ ՄԱՍՆԱԿՑԵԼՈՒ ԻՐԱՎՈՒՆՔ ՉՈՒՆՅՈՂ ՄԱՍՆԱԿԻՑՆԵՐԻ ՑՈՒՑԱԿՈՒՄ
ՆԵՐԱՌԵԼՈՒ ՄԱՍԻՆ**

«Երևանի թիվ 17 հատուկ դպրոց» ՊՈԱԿ-ի /այսուհետ՝ Գնորդ/ և «Ֆոտոն» ՍՊԸ-ի /այսուհետ՝ Վաճառող/ միջև 16.12.2022թ-ին կնքված 17ՀԴ-ԳՀԱՊԶԲ-23/01 N1 ծածկագրով գնման պայմանագրի /այսուհետ՝ Պայմանագիր/ շրջանակներում Վաճառողը ստանձնել է պարտավորություն մատակարարել Պայմանագրի N1 հավելածով ապրանքները:

Վերոնշյալ Պայմանագրի N2 հավելվածով «Երևանի թիվ 17 հատուկ դպրոց» ՊՈԱԿ-ի կարիքների համար սննդամթերքի մատակարարումը պետք է կատարվեր պայմանագիրը ուժի մեջ մտնելու օրվանից՝ մինչև 25.12.2023թ-ը:

Սակայն 24.11.2023թ-ից «Ֆոտոն» ՍՊԸ-ն խախտելով պայմանագրով սահմանված ժամկետները չի մատակարարել պայմանագրով նախատեսված ապրանքները:

Քաղաքացիական օրենսգրքի 466-րդ հոդվածի 3-րդ մասի համաձայն՝ «Պայմանագիրը լրիվ կամ մասնակի կատարելուց միակողմանի հրաժարվելու դեպքում, երբ պայմանագրից հրաժարվելը թույլատրվում է օրենքով կամ կողմերի համաձայնությամբ, պայմանագիրը համապատասխանաբար համարվում է լուծված կամ փոփոխված»:

Պատշաճ ծանուցումն ապահովելու նպատակով, կիրառելով ՀՀ կառավարության 2017թ. մայիսի 4-ի թիվ 526-Ն որոշմամբ հաստատված «Գնումների գործընթացի կազմակերպման մասին» կարգի 33-րդ կետի 17-րդ ենթակետով սահմանված դրույթները, համաձայն որի՝ «Պայմանագիր կնքած անձի կողմից ստանձնված պարտավորությունները չկատարելու կամ ոչ պատշաճ կատարելու հիմքով պայմանագիրը հրապարակվում է տեղեկագրում՝ նշելով հրապարակման ամսաթիվը: Պայմանագիրը կնքած անձը համարվում է

պայմանագիրը միակողմանի լուծելու մասին պատշաճ ծանուցված՝ ծանուցումը տեղեկագրում հրապարակվելուն հաջորդող օրվանից: Պայմանագիրն ամբողջությամբ կամ մասնակի միակողմանի լուծելու մասին ծանուցումը տեղեկագրում հրապարակվելու օրը ուղարկվում է նաև պայմանագիրը կնքած անձի էլեկտրոնային փոստին>>:

2023 թվականի դեկտեմբերի 1-ին Գնորդը պայմանագիրն ամբողջությամբ միակողմանի լուծելու մասին ծանուցումը հրապարակել է տեղեկագրում և ուղարկել Վաճառողի էլեկտրոնային փոստին:

Վաճառողին տրվել էր 10 օրացույցային օր՝ որակավորման և պայմանագրի ապահովումները՝ վճարելու Գնորդի բանկային հաշվին / 900018002262/, սակայն սահմանված ժամկետում փոխանցումը չի կատարվել:

Հիմք ընդունելով վերոգրյալը և ղեկավարվելով <<Գնումների մասին>> ՀՀ օրենքի 6-րդ հոդվածի 1-ին մասի 6-րդ կետի ա. ենթակետով՝

ՈՐՈՇՈՒՄ ԵՄ

1. <<Ֆոտոն>> ՍՊԸ-ին (ՀՎՀՀ 90036001) ներառել գնումների գործընթացին մասնակցելու իրավունք չունեցող մասնակիցների ցուցակում 2 (երկու) տարի ժամկետով:
2. Սույն որոշման օրինակը ուղարկել <<Ֆոտոն>> ՍՊԸ-ին և Հայաստանի Հանրապետությանը ֆինանսների նախարարությանը:
3. Սույն հրամանը կարող է բողոքարկվել դատական կարգով:

ԴՊՐՈՑԻ ՏՆՕՐԵՆ



Վ. ԵՍԱՅԱՆ